



Pou Piblikasyon Imedya: 12/12/2023

GOUVÈNÈ KATHY HOCHUL

GOUVÈNÈ HOCHUL ANONSE YON NOUVO INISYATIV FÒMASYON NAN ENÈJI PWÒP POU APRANTISAJ AK PRE-APRANTISAJ KI KOUTE 45 MILYON DOLA

15 milyon dola disponib kounye a pou sipòte devlopman mendèv kalifye pou satisfè bezwen sektè enèji pwòp yo prevwa yo pandan l ap ogmante aksè nan djòb ki soutni fanmi yo

Fè avanse objektif Lwa sou Lidèchip Klimatik ak Pwoteksyon Kominotè a pou asire omwen 35 pousan avèk yon objektif 40 pousan benefis envestisman enèji pwòp yo ale nan kominote defavorize yo

Gouvènè Kathy Hochul te anonse jodi a yon novo Inisyativ Fòmasyon nan Enèji Pwòp pou Aprantisaj ak Pre-Aprantisaj ki koute 45 milyon dola. Inisyativ la pral elaji kapasite òganizasyon travay yo pou ofri fòmasyon kòm yon chemen pou karyè nan enèji pwòp. Atravè inisyativ sa a, 15 milyon dola disponib kounye a pou sipòte pwojè yo k ap devlope yon rezèv talan divèsifye ak enklizif pou satisfè bezwen nan mendèv yo prevwa nan plizyè kalite sektè enèji pwòp pandan l ap ogmante aksè nan djòb bon jan kalite ki soutni fanmi yo Inisyativ sa a fè avanse yon tranzisyon jis nan yon mendèv pou enèji pwòp ak objektif Lwa sou Lidèchip Klimatik ak Pwoteksyon Kominotè (Lwa sou Klima) Eta a pou asire omwen 35 pousan avèk yon objektif 40 pousan envestisman nan enèji pwòp yo ale nan kominote defavorize yo.

"Eta New York gen ladan l gwo òganizasyon travay ki gen ekspètiz nan fòme mendèv ki nesesè pou sipòte tranzisyon nan enèji pwòp", **Gouvènè Hochul te deklare.** "Nouvo inisyativ sa a pral asire tout Nouyòkè ki enterese nan yon karyè nan ekonomi vèt divèsifye nou an ka jwenn konesans ak konpetans ki nesesè pou yo antre nan sektè k ap grandi sa yo epi reyisi".

Opòtinite finansman twa ane sa a, Otorite Rechèch ak Devlopman Enèji Eta New York (New York State Energy Research and Development Authority, NYSERDA) ap administre, te devlope atravè yon demann pou enfòmasyon avèk kontribisyon esansyèl travayè yo ak lòt pati enplike nou te resevwa nan pwosesis sa a.

Prezidan ak Direktè Egzekitif Jeneral NYSERDA, Doreen M. Harris, te deklare, "NYSERDA kontan sipòte fòmasyon ak eksperyans nan mond reyèl la an patenarya ak gwoup travayè k ap ede prepare Nouyòkè yo pou antre nan mendèv enèji

pwòp k ap pwospere a. Avèk yon rezèv enèji renouvlab ak pwojè elektrifikasyon biling k ap avanse nan direksyon operasyon ak anpil lòt k ap vini pandan n ap ogmante anplè a pou atenn objektif Lwa sou Klima Eta a, li enpòtan anpil pou devlope talan ki nesesè nan tout domèn endistri a epi kontinye ankouraje kwasans travay rekò nou te deja wè pandan tranzisyon nou an nan yon ekonomi enèji pwòp".

Kòm yon pati nan solisitasyon sa a, pwojè yo pwopoze yo dwe adrese bezwen mendèv yo prevwa epi prepare pre-apranti, apranti, ak travayè konpetan yo pou travay nan omwen youn nan domèn teknoloji enèji pwòp sa yo: elektrifikasyon biling ak teknoloji efikasite nan enèji; jenerasyon enèji renouvlab, entèkoneksyon, transmisyon, distribisyon, ak depo; ak enstalasyon ak reparasyon estasyon rechaj veyikil elektrik.

Inisyativ fòmasyon ki elijib la gen ladan:

- fòmasyon teknik enèji pwòp pou pre-apranti, apranti, ak/oswa travayè konpetan;
- developman ak ekspansyon kourikoulòm;
- pwogram fòme antrenè a;
- acha ekipman pou fòmasyon pratik, fòmasyon reyalite vityèl ak laboratwa mobil;
- sèvis konplè tankou gadri ak transpò pou asire yon moun pozisyone pou l reyisi nan yon karyè nan enèji pwòp; epi
- Konsyantizasyon sou karyè soti Kindègadenn rive 12yèm (K-12) ane ak aktivite sansibilizasyon.

NYSERDA pral aksepte aplikasyon ki mande jiska 750,000 dola pou chak pwojè ki koresponn ak echèl fòmasyon yo pwopoze a ak yon 150,000 dola adisyonèl ki disponib pou pwojè ki gen ladann konsyantizasyon sou karyè K-12 ak sansibilizasyon ki ankouraje travay enèji pwòp kòm yon pati nan yon inisyativ fòmasyon pou yon total 900,000 dola. Pou pwojè ki genyen yon eleman edikasyon ak konsyantizasyon K-12, omwen 50 poustan nan lekòl k ap patisipe yo oswa pwogram apre lekòl/ete yo dwe lokalize nan yon kominote ki defavorize oswa sèvi yon majorite elèv nan kominote sa yo. Pataje pri pa obligatwa men yo ankouraje sa, avèk pwopozisyon ki gen ladan lòt sous finansman oswa sèvis an nati k ap resevwa pwen anplis pandan evalyasyon, ak plis konsiderasyon yo bay pou pwojè ki fòme sèlman moun ki soti nan kominote defavorize yo oswa popilasyon priorité yo.

Òganizasyon travay Eta New York, komite jesyon travay ak sant fòmasyon ki afilye ak òganizasyon travay Eta New York, ak [Pwogram Aprantisaj Anrejistre ak Pwogram Pre-Aprantisaj avèk Antre Dirèk](#) aktif Depatman Travay Eta New York la ki afilye ak òganizasyon travay Eta New York yo elijib pou aplike. Aplikan yo ka fè patenarya ak lòt òganizasyon fòmasyon tankou kolèj kominotè ak inivèsite; pwogram veteran ki asosye ak òganizasyon travay ak aprantisaj Eta New York; lekòl teknik, òganizasyon kominotè ak òganizasyon ki san bi likratif; asosyasyon komès; fabrikan yo; ak founisè ekipman yo.

Aplikasyon faz 1 an dwe soumèt a 3:00 p.m. nan 7 fevriye 2024, ak lòt opòtinité pou soumèt ak dat limit pandan ane a jan sa endike nan [solisitasyon an](#). Nenpòt lajan ki pa t repati ki soti nan òf inisyal sa a pral disponib nan faz ki vin apre yo pandan de ane k ap vini yo.

Komisè Depatman Travay Eta New York Ia, Roberta Reardon, te deklare, "Aprantisaj pèmèt Nouyòkè yo touche lajan pou sipòte tèt yo ak fanmi yo pandan y ap aprann konpetans ki gen anpil valè epi jwenn eksperyans travay nan plizyè santèn domèn diferan. Lè nou devlope apranti nan enèji pwòp, Eta New York kontinye ap ranfòse ekonomi lokal yo nan tranzisyon k ap kontinye pou yon ekonomi ki fèb an kabòn".

Vis Prezidan Pwogram nan Travay ki Pa Tradisyonèl pou Fanm (NonTraditional Employment for Women, NEW), Katrice Thomas, te deklare, "NEW plase ak sipòte fanm ki gen ti revni nan karyè komès atravè pwogram pre-aprantisaj yo. Nouvo inisyativ finansman NYSERDA pou djòb nan enèji pwòp reprezante angajman yo pou konstwi yon mendèv dirab ak ouvri wout la pou yon avni ki pi pwòp".

Prezidan Konsèy Metye Batiman ak Konstriksyon Eta New York Ia, Gary LaBarbera, te deklare, "Pandan New York ap kontinye envesti nan pwojè enfrastrikti vèt enpòtan ki pa sèlman pouse nou nan direksyon pou atenn objektif enèji pwòp nou yo, men tou ki kreye plizyè milye karyè sendika ki soutni fanmi, li enperatif pou nou byen devlope yon mendèv ki gen anpil konpetans ki ka satisfè demann travay yo ak efektivman mennen inisyativ sa yo pi devan. Inisyativ Fòmasyon nan Aprantisaj ak Pre-Aprantisaj sou Enèji Pwòp la pral jwe yon wòl kle nan prepare komèsan ak komèsant nou yo pou yo demare pwojè sa yo, tout pandan y ap bay opòtinité elaji pou Nouyòkè k ap travay di ki soti tout kote yo pou pouswiv yon chemen aksesib nan klas mwayèn nan epi kreye plis motivasyon ekonomik nan kominote yo".

Mario Cilento, ki se Prezidan AFL-CIO Eta New York Ia, te deklare, "Si nou vle fè sa byen, avni enèji vèt New York dwe konstwi, opere, epi antreteni pa mwayen travayè sendika ki gen anpil konpetans. Inisyativ sa a pral ede asire ke travayè yo gen bon jan fòmasyon yo bezwen pandan I ap bay djòb klas mwayèn ki byen peye, ki ouvri epi ki disponib pou tout Nouyòkè yo".

Anons jodi a devlope sou angajman NYSERDA pou plis pase 170 milyon dola pou [inisyativ devlopman mendèv ak fòmasyon](#) ki priyorez pou vize ak benefisyé popilasyon priyorité tankou moun ki pa gen ti revni, moun andikape ak moun ki te déjà nan prizon, veteran yo, kominote defavorize yo ak travayè nan gaz fosil ki pa anboche yo. Pòtfèy pwogram talan sa a gen ladan Fòmasyon sou Efikasite Enèji ak Teknoloji Pwòp, Fòmasyon sou Enèji Ewolyèn Bò Kòt, ak Fòmasyon nan Travay ki sipòte ogmantasyon biznis enèji pwòp ak anbochaj talan kalifye. NYSERDA dènyèman te lanse yon [pajwèb "Enèjize Avni w"](#) (Energizing Your Future) ki gen ladann enfòmasyon pou ede vizitè yo sou sit la detèmine ki sektè enèji pwòp ki atire yo epi li bay yon apèsi sou chemen karyè ak yon lis travay popilè nan sektè sa a.

Finansman pou Inisyativ sa a ap fèt atravè Inisyativ Rejyonal sou Gaz a Efè Sè (Regional Greenhouse Gas Initiative, RGGI) la. Pou plis enfòmasyon sou RGGI, vizite [sitwèb](#) NYSERDA a.

Plan Klimatik Nasyonal Eta New York ki Alatèt Peyi a

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 52 milya dola nan 118 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 3 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)